

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARIO

DI ARUBA

Bo Matutino Netamente Arubiano

DIABIERNA 5 FEBRUARI 1988

ABONADO PA LUNA 15,00 FLS. * EJEMPLAR 0,60

AÑA 8 NÒ 2203



Sin tene cuenta cu ta un caminda di asfalt y cu ta un entrada of salida pa auto, chofer di e auto aki a dicidi di bay para su auto net ariba e caminda aki strobando asina trafico, pero pe el a segura su espacio pa bay goza di parada di carnaval.

OSCAR W. A WORDE PONI DEN LIBERTAD

ORANJESTAD(AAN)— Siman pasa departamento di narcotica SVM a detene Oscar W., despues di a haya un cantidad di cocaina den su cas na Playa. Investigacionnan a cuminsa tuma lugar y Juez Comisario a prolonga detencion di Oscar W.

Manera DIARIO a publica, no ta exclui e posibilidad cu Oscar W. por haya su libertad. Diarazon departamento di narcotica a pone Oscar W. den libertad ya cu no tin

motibo pa bolbe prolonga su detencion. Investigacion a indica cu W. no tin nada di haber den e caso aki. El a worde encarcela pa no stroba e investigacionnan.

Ningun hende no a kere cu Oscar W., un persona conoci den ramo di deporte, por ta meti den droga y como tal DIARIO ta contento cu e ta liber di tur acusacion y sospecho.


SHEIK NA ARUBA

ORANJESTAD(AAN) — Na e momentonan aki ta di bishita na Aruba un sheik cu a yega Aruba cu su propio avion pa hospeda algun dia na Aruba. No ta conoci motibo di su bishita, pero tabata circula informenan cu su bishita lo ta pa tira un vista ariba Lago.

E ultimo informacion

aki a worde desmenti pa alto funcionarionan di Exxon.

Por a comprende cu aña pasa e Sheik aki tabata di bishita na Aruba caba caminda el a alquila un piso completo. No ta conoci si el haci atrobe na e hotel caminda e ta hospedando actualmente.



Ayera Caribbean Mercantile Bank a habri su Bancomatico na su filial na Boulevard. Director Bill Carsen y Senior Administrative Officer, Chito Jansen, ta aparece ariba e portret dilanti e Bancomatico. Pa un relato pagina 2.

Dentro di diez dia:

**MESTER DICIDI
KICO TA HACI
CU NANDWANI**

PAGINA 5

**BARCO
COLOMBIANO SIN
PAPEL DI REGISTRO**

PAGINA 3